

兩
浙
輶
軒
錄

兩浙輞軒錄卷三十五目

吳鳳鑑 馮華 程之章 施鳳起 徐紹鑑

曹延宗 許飛鵬 曹長泰 沈孫璉 鍾錫圭

余永森 徐鼈 汪國 沈維基 周世武

姚思勤 沈之鴻 鄭濂 孫錡 沈景良

胡濤 翟振 汪日贊 張泰 唐灋

沈鵬 高繩武 高順 毛陳謨 吳爲金

程樹本 李鑒 陳謝駟 韓芝眉 何紀堂

錢受穀 錢世培 沈祖修 李大翰 李大恒

盧永章 盧紱 俞葆寅 鄭之翀 傅文光

陳聖修 王學濂 趙廷璋 沈映桂 盧潮生

潘成年 桂廷蘭 時長延 黃雲章 范永潤

黃聚奎 宋 岳 郭夢元 羅 福 袁夢化

李秀銘 施承烈 黃 基 湯雯榮 湯彥采

張賓鶴 張 洪 吳懋蕃 傅調梅 章汝桐

王 模 方志維 郭象泰 陳文烈 曾需璋

湯萼棠 俞廷樾 沈可培 朱維詰

兩浙輶軒錄卷三十五

督學使者阮元訂

吳鳳鑑

字厚予號雲邨烏程人乾隆丙子舉人官東陽教諭著雲邨詩稿三卷

至閭門宿桃塢值雨示南谷弟

枇杷樹底聲浪浪雨聲不絕客在牀十年前夢輒欲續身倦
心安睡亦足明日遊山未可期我來正逢梅熟時且向閭門
留信宿阮家兄弟心相知黃魚滿市酒滿卮何用躊躇搔鬢
絲

春晚

一翻風後一翻雨九十春光去不遲閒手更攜敲石杖款身
略看隔窗碁柳絲垂沼魚浮水花影搖堦鳥度枝病謝往來
支倦枕細心自改去年詩

遊天竺歸途作

昨夜雲堂臥今晨鶯嶺遊行逢花港鸞歸踏廟壩丹禪客長
爲市居人占得樓錢塘門外路片月近中秋

馮

華

字位三號秋船烏程人僑寓杭州乾隆庚辰舉人

官仙居教諭著有西江紀游稿中州集蓮樹詩鈔
朱彭曰秋船登賢書後應咸安宮教習期滿選仙居教
諭卒於官少年藝聲藝苑爲齊魯閑張藻川兩先生所
獎拔中歲游歷江右中州觀風覽古詩宗宋人而書法
獨得唐賢矩度且好飲每當暇時作字必滿飲數觥以
發其興司鐸仙居放情山水益沈湎于酒疾遂不起
戴璐曰秋船家思溪少受業先外舅沈榆村先生長遷
杭州習杭音庚辰與余同年在京儲書自給酒後揮毫
落紙興會尤高

抵袁州

瑞陽取次到宜陽秀絕雲山占一方郭外烟江環曲折楚南
嵐岫接青蒼燈明小閣千家夕草雜閒花滿路香今夜卸裝
何處宿宜春臺下景賢堂

文安溪館卽事

長安九載苦淹留，來就清溪客館幽。
隔樹寒烟朝此嶺，當門春水晚浮舟。
時繙架上新書帙，偶到橋邊舊酒樓。
風外不嫌漁唱近，吾家原在白蘋洲。

程之章

字端民，號柯坪，仁和人。乾隆庚辰進士，官雲南知府。著《與籟山房集》。

世襲家，籟山房集序畧曰：程子柯坪，思既湛深，才尤警拔，其意之所到，又能曲折以達，其所欲言，新詩二卷，皆余所點定也。

寄懷橫塘胡二朗汀

東郭幽人宅，桑陰晝掩門。
停雲低列嶂，落日澹孤村。
野闊移帆影，橋平壓漲痕。
定知吟興劇，叉手對籬根。
避世牆東客，耽吟洛下生。
芸房抄术序，木艇狎鷗盟。
風定釣絲直，雨餘竹簟清。
亭山色好，京翠撲簾旌。

爽籟山房鼎石成詩以落之

買山誰貰道林錢恍到仇池小有天一幃烟光分帖妥二華
雲氣暗鈎連嵌空巧絡藤條瘦潑眼寒拍竹影偏幻出蕭蕭
平遠景底須散策蹋層巔

二曜七星研歌爲意林外舅賦卽次田居集中用東坡

龍尾硯歌韻

手闕青鐵世爭惜溫潤終慙和氏璧阿誰引手捫三辰奪得
媧皇煉餘石月阿日窟符天時七星珠綴榻爛醉斷炊待御
昔寶世飽煎墨壺飢不知山骨瘦剜銅雀垢爭面遇呵亦時
有瘳牀竹几共摩挲獨究遺經嘆迺後田居刊陸氏三書繼囊曉裴
天際雲明河水滌無纖塵南華堂主得何處金聲玉德却配
歷落嶠崎人邱遲銘語妙難擇研剛刻衆快雪晴華似股盤

請翁更買玉玲瓏

龔氏所齎玉玲瓏石朱宣和物也今在姚氏

試效奇章甲乙別

詠竹火籠同趙四

珍陳大昌圖

緯翠光瑩寒玉剡瑟瑟螺紋費縈縮辟邪鳧藻策勲同丁綬
工良見應報一坎火蕤鵲鴿青紅泥鑪小圓腹停攜來藤柄
屈月澂界以鐵格疏風櫺寂寂秋心轉嶰谷板閣彎跽晴雪
撲攏袖清宜柏葉薰烘簾煖稱蘆花褥回首挑笙古怨多辛
勤灰裏撥陰何南朝官懣吟須穩寫寄湘江十幅波

以高麗狼尾筆貽施大

學濂

令弟

學韓

勝以長句

蒙將軍昔屯中山板毫載穎製始嫻何來方物跨海至墨華
歎薄腥風寒吾聞扶餘啟宇提封寬臣服百濟包三韓箕踞
九數紹義盡歷漢唐朱聲教殫白砥紙潔鋪鏡面烏玉玦挺
磨松丸皮盧一牀誇殊絕

高麗謂筆曰皮盧見孫穆雞林類事

月給不羨蘭臺

官文犀翠羽裝行異截竹獨取捎雲竿虎僕毫過銳雞距力
易犀腥腥毛掃禿躍躍兔嚙殘奎木一星擾天紀蜚弧光射
滿月彎跋胡蘆尾夜隨雨粟實解與文字共雕刻縛以雍羌
縷膠以軒渠驚燕以溝瀉之夕漲架以神嵩之層巒傑者居
前曩者後六寸之管塗朱般筆管或元或赤其色不一使錄常譏徐兢闕
工名未審蔡藻刊銘若宿衛列戟攢健若俊鶻秋空盤圓椎
柄盤撥鐙備倒披金蘿垂琅玕誰與巨手克稱此機雲麗藻
於菟班朝呼銀鹿遺送似臨池想見清露溥期君跼蹐寫純
素定有好句畱風鬟用蔡松年使高麗贈館伎詞中語

舟過南屏

波光帖帖天鏡沈南山倒插綠玉簪沙鷗掠渚飛上下湖雲
滃鬱移晴陰松間僧擁貝多葉天外風吼蒲牢音斜陽一抹

拖肩碧墀影送客催清吟

南湖卽事

叅覃夏木逕斜通玉照堂空剩釣筒小試竹爐烹雪乳水亭

消受白荷風

施鳳起

字朗亭號客臺一號圃迂仁和人乾隆己卯舉人官江山教諭著山左白下明州三衢諸學及鐵關

泉齋癸卯

春後編

周駿發曰客臺先生家杭之太平門耽吟咏工篆刻自

作小印曰太平門裏太平人未官時曾館於曲阜孔莊

谷家及金陵孫氏晚年境益窮詩

益工間迂詠物稿二卷彌足誦玩

碧谿詩話客臺先生居東城不戒于火依婦翁康石舟

先生棲止於散花灘上庚寅夏五余往訪之出泊邢紀

詩一冊蓋其客

邢江時作也

上巳偶步

鶯啼草長過江南曉霽平岡翠滴嵐雀舌去烹泉第五虹橋

來過月初三船移人影波如畫面醉熏風與亦酣自笑不輕
投半刺名園未許一時探

徐紹鑑

字治通號鏡山錢塘人乾隆辛巳進士
官舒城知縣著寒竿齋詩存北歸草

朱文藻曰文藻以制舉業請益於徐德栽先生時哲嗣
鏡山公車南歸四方問字者履滿戶外嗣是文藻浪遊
大江南北先生就養皖江彼此音問闊絕忽忽四十餘
年今何春巢學博忽以鏡山遺詩見投讀之悲喜交集
鏡山制藝負盛名詩不多作所著寒竿齋詩存數
翻而已北歸草十餘頁則自春間被放時作也

天津村鎮

絕去塵囂市不譁隔堤深處有人家老漁遲興因縱網村婦
早燈爲浴麻烟黛橫空連遠嶂雲根低起傍平沙一鈎初月
林間上莫羨張鷟泛使槎

曹廷宗

字因可號可堂錢塘
人乾隆壬午舉人

朱文藻曰曹可堂年十四補博士弟子員積學敦
行者有經史析疑十餘卷及詩文遺稿藏於家

重遊王氏山莊

更無人跡有苔錢回首登臨一惘然
曾聽樓頭寒食雨又來湖上晚涼天
癡雲作意籠煙渚流水無聲入野田
松下偷容施榻卧便消長夏日如年

許飛鵬

字漢槎號東軒海寧人乾隆壬午舉人

俞寶華

字曰許飛鵬爲商州知州惟推從子

雨中過淇水

濕雲翻墨灑空濛暑退朝霞一縷紅
高柳分行烟作合長虹踣影水當中
關河走馬頻年路士女漸車舊日風
猶想桑田詩境好欲從雨後問村翁

曹長泰

字延卿一字慎堂金華人乾隆辛卯舉人著盧餘文草思古齋詩草

宋宏釗

字慎堂少警敏而卓志勵學鄉薦後留京八年館王白齋宗伯家南歸一年而卒生平兀傲孤介未嘗

安接人遇不可未嘗少假辭色詩稿猶
至都悉毀於火今所存者特其少作耳

遺興

山深雲亦深林靜鳥亦靜
雲沈鳥不飛盡日獨引領
須臾飄風來吹我衣裳冷
不惜添重裘坐挹此清景
觀空慮自遣遇物理可省
如波迅浮生日夕燭當秉

雨餘蔚庭草我亦有欣起
步階東西前榮已朝敞不
覺永日夕寤歌開庭軒百
卉鬱蒼翠目擊道已存食
蓼詎不苦飲河詎不渾讀
書揚子宅高臥袁安門

沈孫璉

字疎人號蘆士一號大雲錢塘人乾
隆壬辰進士官山東道監察御史

吳錫麒傳署曰先生弱冠名雋一徵乾隆辛卯舉于鄉

壬辰成進士入翰林

四庫館初開先生充纂修官甲辰丙午遷轉監察御史家

素貧所入俸悉寄以佐甘旨自奉恒不膳又善病恒累
句不起起卽瞑目視天見白雲南飛念親舍江其下生
平作詩古文清麗出塵表脫稿輒棄去卒年僅五十

黑甜鄉

般若根塵幾種諳律梁倦矣學瞿曇元機坡老棋中悟真味
回仙飯裹參上士異牀方養晦好人同夢定輸甘思量補貼
平生久萬戶封侯愛此街

鍾錫圭

字介仙號西樵山陰人乾隆甲午舉人著西樵集

登秦望山尋李斯石刻不得

沙邱一去龍馭斷望夷宮中歲月短亭長方詠大澤蛇相公
徒泣東門犬當年丞相何豪雄親扶玉輦蓬萊宮登山望海
頌聖德豐碑兀立芙蓉峯只今回首成陳迹鑿石書文竟何
益我登碧巘尋故物榛莽荒荒不可得得毋焚書餘火化作
霹靂飛豐隆刻缺燔燒之吁嗟乎政也不道斯助逆灰沈烟
滅胡足惜君不見岫嶼一碑禹廟前四千餘年人競傳

余永森

字庭樹號蒼谷瑞安人乾隆甲午舉人著濟菴齋詩草

舟次青田

青田人家城上起城高半在白雲裏四圍翠嶺插天來城影
倒射清江水客子推篷江水流城門卻繫蜻蛉舟黃昏燈火
懸樹杪臥聽雞犬出城頭歷歷青疇依蒼莽耰耨半自城中
往市上惟聞樵唱聲林邊時有魚榔響老鼠梯前山峻峙石
門西上流如駛長年解衣試鐵篙灘聲漸急從此始

趙氏村居

盤紆深谷鎖青蔥雲際耕畬高下同家住四圍山色裏人來
一徑水聲中縹緲玉蘭盈筐碧舉網金鱗入饌紅更愛高樓
明月夜盡簾面面捲松風

徐

鼇

字鶴山號江樓餘杭人乾隆丁酉舉人

秦郵舟次

暨湖春水漾遙村夾岸人家落樹痕十里平堤殘甕築幾間
矮屋土神尊魚充晚飯初登市鴨近斜陽自到門聞道木瓜
新釀好清宵那得不開樽

同何雙溪太史法源寺看花

平蕪淺綠柳輕黃庭院深深帶繚牆三月鶯啼韋杜曲一甌
茶熟贊公房碧陰如撲簾旌濕紅雨偏招展齒忙壓帽何人
還記否畫欄此地幾斜陽

汪

國

字器卜號菱湖郵人乾隆丁酉舉人著菱湖詩文集十卷

碧溪詩話汪菱湖熟嫻史事詩中議論往往有裨史學而五七古氣力雄健又不待言所詠金石諸篇論古多前人所未發不徒敘次摹擬之工而已

與姚禮部佃芝梁觀浯溪中興碑

禮部遠使西粵歸登堂示我浯溪碑碑高數丈字如掌是誰
巨手能鐫治初從溪邊弭棹入荒藤老樹相蔽虧月明訪勝
偕佳客攝衣直上攀屣屨是碑一見驚初邁命吏摩挲存其
規袞愼不敢凡手褻什襲常恐神靈窺憶昔天寶亂戎馬青
驪蜀道幾顛危六軍方食楊釗肉佛堂生訣雙淚垂倉皇形
勢已若此普天豈肯從戈麾前星一夕踐宸極顧盼六台如
指揮忠勇更得李郭將收復兩京不逾時薦功七廟刻貞石
中興稱號良自宜次山文章推作手嘘拂寒壑回春麥魯公
書法邁虞褚勁氣盤鬱生蛟螭芒寒色正數百字大文照耀
天南隄導揚盛烈臣子義但有忠愛無微詞撫軍監國太子
事事有權變宜熟思假使僅守匹夫節區區小孝能爾爲西
內孝養誠未盡胡乃先事與刺譏吾觀宣和避敵日亦如天

寶遭陵夷力扶太子正大位隴西丞相定羣疑當時夫豈昧
大義非此無以令藩維涪翁詩句擅老硬深文或者多濶達
讀書論古吾豈敢觀碑有觸聊及斯

虹橋修禊處追懷阮亭先生

不見漁洋老謫仙虹橋禊事記當年揭來六代消魂地坐我
二分明月天小杜風流原絕世大蘇墨妙本無前江南何限
青山好輸與先生荷插便

公治春詩中有江南無限青
山好便與諸君荷插行之句

沈維基

字忠隱號香琳德清人乾隆己亥舉
人官伏羌知縣有香琳山人遺詩

雪夜渡黃河憶談象木表弟絮被也將慈母意西風先
到大河南之句愴然賦此

弧矢當年計總疎尙勞絮被寄長途如今慈母手中線著遍
征衣半寸無

鄰姬有子客數年不歸丐余作書招之因隸括其意爲

吟此篇

昔在襁褓時日夜祝兒強年年兒生日爲兒祠竈王東家買
雞黍西家買酒漿聰明爲之禱疾苦爲之禳童衣不蔽鄰漸
漸性飛揚兒黠好騎馬韉斷斷母腸痛定驚魂回暗喜初扶
將兒年始二十擇婦柔且良結褵四五載隨估客衡陽初時
昔書至至今亦無常記得兒去初孫女纔扶牀今朝看孫女
能學畫眉長新婦多婉婉背面拭啼妝紅顏與穉齒何以慰
孤孀試看鄰家子足不出里坊雖然不良行孌著兒衣裳鄰
子有足疾弱兒守門戶強兒走四方自悔墮地日爲設蓬與
工製衣

桑

送春次韻

綠肥紅褪獨傷神
草長階前已似茵
春在人間人似夢
忽聞春去却憐春

夜泊燕子磯

佛火明燈際江濤撼石巔
客情閒似水春月淡如煙
暝色來千里歌聲隔一船
憑舷待明發忘向舵樓眠

周世武

字定國一字書巢
世文弟乾隆己亥舉人

和大兄秋懷詩

草根啼寒蛩細碎無端緒
豈盡怨秋風時至各自語
騷人不堪聞祇恐增愁苦
空中有鸞鳳軒軒自霞舉
長嘯碧雲間清音諧律呂
俯視啾啾者終不離泥土

山瘦骨自出野曠雲相連
靈景出遠岑暮色浮村烟
書來歸鴈後病起秋風前
之子有新詩了不事雕鐫
出語到平淡如

水清且漣使我不能忘遠望將眼穿

冬日獨遊玉几

寒飈捲地巖泉凍一鑑冰池凝不動忽逢微暖出林梢已有
流澌生石縫是誰導我山間行兩峯幽禽發新暝蒼髯老叟
笑相迎更吸清風作三弄飢腸不飮香積厨但嗅黃梅作清
供歲暮何人解往還山僧畱我客疎縱覆鹿生涯乍有無
羊臧穀奚輕重不如與之無町畦仰眎飛鴻天宇空長歌脫
口謝雕鐫山雞登木牛鳴貧歸時爲記塔影斜西峯落日紅
相送

食蠣

嶠山峙海隅什伯相黏結蠢然一物微亦解潛深窟土人知
雋味緣崖日採擷祇應爲酒徒勾引出岩穴

楊廷秀食蠣詩
也被酒徒勾引

若薦他樽譬如鑿石罅中得青玉玦
雖外緘眉目仍內組解他顏譬如鑿石罅中得青玉玦
雖外緘眉目仍內缺清不數玉珎珍堪陋石皓年來飽憂慮肝腸愁內熱冷然
入齒牙快如嚼冰雪雖非合澗姿品格總獨絕連倒崑崙觴
兩不厭饗饗他年憶此味何由解消渴作詩記餘歡芳鮮猶
在舌爲語謝永嘉可否匹海月

姚思勤

字汝修一字春漪號桂隱仁和
人乾隆己酉舉人著桂堂遺稿

黃模曰君少孤事母戴克孝性聰穎工文能賦乾隆己酉舉人著桂堂遺稿
西舉于鄉又四年歿于京邸生平著述甚富其詩集曰
漱六軒學言曰琴臺小稿皆在家所作也曰北遊草曰
桂隱齋集都下所作也曰桂堂遺稿桂堂者所居之堂
也

玫瑰花

又是江南三月時櫻桃如豆柳如絲春風門巷人初賣曉日
房櫳蝶未知綠鬢半畝香豔冶紫雲生小熊嬌癡愛他甜味

西湖車馬
卷三
醒殘醉一笑嫣然不自持

龍井採茶歌

湖波餘潤開龍井黛屏直時風篁嶺山中日暖春泥香綠茗
茸茸抽細頰柳絲蘿帶莫爭研搖漾晴漪劇可憐旗槍半吐
輕雷後鷹嘴齊舒小雨天去年雨多茶葉老今年雨少茶味
好前溪姊妹笑相呼手挽筠籠趁清曉曉風澹蕩正慙人細
摘斜寒不厭頻采得碧牙盈一剎香甘曾否到朱唇

鶴巢水石

表裏空明照眼寒女媧五色練成團未能拋得清溪水何以
盛之白玉盤黛點濃皴真箇活雲根濕透不曾乾涼風滿几
吹塵去有客披襟自在看

晚涼次春松韻

簾捲不成雨坐來山觴秋迢迢綠陰合澹澹碧雲流人意欲
辭扇笛聲催倚樓分明上弦月翻說曲如鉤

沈之鴻

字子達號漫士德清人乾隆庚子舉人著車航日記

夜坐吟

蕭蕭幙被上燕京自笑疎慵本性成刺似彌衡常減字僕如
司馬慣呼名詩場最易埋珠玉酒庫徒能貯甲兵搔首故鄉
雲樹外遙遙千里月同明

有感

侏儒總悞讀書繁客館淒其憂患并天遠不聞江燕語月明
惟有夜烏聲窮來奴僕更新主老去才名讓後生明發天津
歸路近好隨田父問春耕

聞吏

數里一開門開板堅勿起聞吏向我言開闢良有以糧艘期
不來君行且止止止復如何十日停菰蘆再拜告闢吏行
旅有通途闢吏峻色辭啟閉誰敢私君意毋欲速欲速常較
遲如君入長安豈不愛熱官胡爲斂羽翼偃蹇翻泥蟠窮遠
總緣命通塞各有時君姑驂舟待時至惟所之

座主溫補山夫子席上咏青杏

索米原爲餽賫來都門四月綺筵開書生飽識寒酸味杏子
青青道是梅

綠葉陰濃結子遲問名原是日邊枝上林不與朱櫻薦爲似
蟠桃未熟時

鄭

濂

字茂川號願堂進安人乾隆癸酉舉人

官華亭縣知縣著荅湖詩草二卷

王淵荅湖詩草序畧曰君少爲詩辨香漁洋中間沿派
飭南玉局治翁又演迤乎王儲韋柳其詩大半得之東

臨南上意孤嶼岐海成
連所謂移我情者歟

東新

新桂年來糴米珠三冬珍重此樵蘇析從曉雪千峯迴買向
斜陽小市孤窮巷幾人能舉火冷官如我竟圍爐懸知老母
思兒切猶道天涯長物無

力田課兒

陶公穫下溟吾亦依南阡在昔嘗秉耒力耕多逢年舍茲航
海去十載愁無種孤露返衡門插禾追前緣此禾親不見此
畝親所傳豈惟長子孫方憑薦豆籩及時一鹵莽大懼荒良
田

偕汪丙菴董謙山訪翟晴江於郭外書巢同約湖上之
游比晴江以雨辭口占速之

雨奇晴好祇隨緣金粟花間喚酒船幾處耆齡還入社誰人
拙宦肯歸田巢成書帙真名宿注就湖山本散僊重浦槐塘
悲宿草君來憑眺正蒼然

孫

鎬字芻田一字岸舟
杭州府學諸生

天台道中卽事

水程才過陸程遙書卷隨身壓擔挑赤足強行溪底石驚心
難度木頭橋沿途每喜餐胡飯上嶺先思解緇袍盡日勞勞
雙不借早從宿處覓村醪

沈景良

字敬履號松町仁印
人諸子有松町遺稿

沈景梅行述畧曰兄曰短視身瘦削性孤僻喜讀書嘗
夜讀蠲盡落於肩至痛始覺有時燈落焚其帽簷亦不
覺也嘗歲餘游近市遠歸搜牀頭捲衣而出少頃挾一
研還喜形於色口此研有先君子銘刻於上吾獲此度
歲有餘散矣愛獨游每數口一至湖上出必袖錢抵暮
醉吟而歸袖中餘錢零落於路不顧也初嗜茶成癖酒

沾唇卽醉年近四十漸事杯勺晚乃以酒代飯而嗜茶
如故致疾不起病中手自改定所作詩淨寫成帙人乘

其病臥并適我齋席捲以去

梅記倦舊聞僅得詩如干首

何琪傳畧曰茲町爲晴山先生長子君與弟景梅家學

相承並能詩宅近清水潭破屋數椽不蔽風雨妹早寡

無歸君贍養之而遣嫁其兩女晚嗜酒性癖人畱之飲

遇他客輒逃去友人鮑以文多蓄古書常借歸手鈔詩

喜林君復故所作

多閒澹冲和之音

蹉跎

雲物隨時轉年光歎逝波看書雙眼少謀食一身多事往空
留恨愁來但放歌人生容易老吾已半蹉跎

典硯

一硯美如玉欲典無多錢今夕若沽酒明朝無炊煙掀髯成
一笑無策可兩全不如姑置之且就高枕眠

雨後

江皋初霽雨著屐步沙邊水擁橋根路雲開樹杪天看人收
蟹斲聞笛起漁船一逕秋光澹西風散濕烟

胡

濤字滄來號葑唐仁和監

何其傳畧曰君家故貧初館孫氏具膳豐腆君念奉親
甘旨不足每對案輒哽咽不食慨然曰仕爲難養祿可
待觀不可待也遂棄帖括持籌握算爲治生計暇仍讀
書嘗作客淮揚充豫間數歲歸所歷名勝悉紀以詩家
數遷最後築室城東畧畧蔣花竹春秋佳日與項君秋子
迭主吟社及期寬鞋屨策杖第竹春門注先生槐堂吳先
生西林時一與焉入皆謂吾鄉風雅之盛舊稱趙氏小
山堂間寂數十年庶幾得睹于今日矣君爲詩清樸有
味絕去藻飾常曰富貴窮聲色之
娛貧賤肆歌之樂天豈有私哉
隨園詩話胡遊來詩筆甚清余每到杭州必相欵洽年
未六十而亡錄其車遙過云別酒初行第一尊征夫結
束車在門別酒忽匆三酌過征夫出門車上坐天涯萬
里車遙遙山程驛店柳花飄向暮停車侵曉發人在車
中長白髮依依相伴不相離惟有車前芳草年年長幾時草
上踏輪響其行與不行由君身門前芳草夕陽明似畫僧貌古
于松雪齋云山容帶粉消難盡簾簾淚如珠滴未乾湖上

云湖波驟長連宵雨山霧徐收過午風落葉云辭柯早
帶新霜色委砌空含舊雨情俱極清妙置之樊榭集中
幾不可辨

碧簾詩話對唐不習舉子業善治生性慷慨重然諾食
脂二百餘半皆戚帥之無依者一日無客至則索居寡
歎與予交四十餘年情好無間詩極工鍊意味深長如
春日城南云暖日亂花氣和風飲鳥聲荒園云門外暮
烟沙鷗立晴陰秋雨海棠開吟坐云鼓歸新雨後佳向
晚風前啄雨云雲迷荒野外燈照古牆陰萬松嶺桃花
云嶺路自盤流水外人家多住絳雲邊吳山漫興云江
天送眼最宜湖燈火催歸處處樓天竺山中寄懷錢東
澗云峯似旋螺青到頂雲如飛絮白漫天秋海棠云微
帶露時雨蝶夢更無人處暗蟲吟皆川意深厚琢句工
緻吟朋中率不易到

別舊居

堂上清陰覆古槐西風落葉漸成堆自知寄跡同爲客無那
離情酌此盃酒債儘隨貧士去秋花甯待後人開繫回咫尺
橋東路負杖還思遣興來

秋懷

技拙惟應固守窮，鬚眉猶幸未成翁。
人懷楚館三更雨，秋冷吳江一夜風。
幾處飄零書卷在，全家辛苦酒瓶空。
黃花滿徑霜空老，愁臥蕭條落葉中。

焦山

扁舟一點如飄萍，載我直渡大江水。
我生性命豈敢輕，祇爲焦山勝游耳。
焦山地險風浪驚，盃酒酌江風漸平。
中流打槳坐船首，孤影倒漾天空明。
到岸初登日將落，幽篁層層路盤曲。
老僧笑語迎客來，晚飯淹留伴雲宿。
眉山仙翁去千年，歸畊不來空此山。
宦游自古退難得，今我在野寧非閒。
夜深缺月隨潮長，石激鯨波振清響。
試將此景問山靈，自古于今幾人賞。

十八羅漢卷子

層層翠巘媚清秋雲自無心水自流一十八峯都占定更無別個住山頭

延津渡河

天風吹河激狂瀾五更臨津愁渡難馬嘶人語亂殘月僕夫僵立衣裳單書生貧賤輕性命一葦已自凌飛湍蛟龍欲吞河伯止黿頭未盡黃蘗酸千金沈璧笑子羽徒挾重寶遭神干浩歌中流日欲曉仰視閭闔星闌珊

平山堂同年瘦生 王民作

一舟容與泛波光百折沿洄引興長樓閣帶烟浮島嶼見鷺鷥翻雪出陂塘草侵游屐紛紛翠花落春衣點點香斜日倚虹園外路小秦淮水憶流觴

泛舟紅橋

迷離芳草遍天涯，歷亂春愁送客槎。
寒食禁烟寧禁酒，好風吹雨更吹花。
渾如白下青山暮，小泊紅橋綠水斜。
終古傷心隋苑地，冶游依舊尚繁華。

皋亭觀桃歌

皋亭去郭十五里，山色依微白雲裏。
山下千村桃李花，歲歲春光麗如綺。
城中士女愛出游，紛紛逐隊如雲流。
老夫于此興不淺，艮山門前挈小舟。
二月初晴天氣暖，鴨綠盈盈新水滿。
談心況有四五人，繞岸不辭十數轉。
層層畫望不窮小，白幾處兼長紅濃。
香帶霧撲曉日翠羽啼，露嬌春風人家隱。
約不知處，總有花枝引人去。及至無花更有山，
山盡復饒花。萬樹武陵桃源空，避秦知有父子無。
君臣何如此中樂，無事

熙熙長作唐虞民

贈種花周老

山翁居山嗜花木淡綠疎紅圍矮屋一生心事寄花中每出
名花驚世目今觀兩本尤絕奇紫色如赭素如玉湘江蕙蕊
不同芳羅浮蝶翅遙相逐可憐秋意渾蕭索不比春風鬪繁
縟君不見西馬塍邊錦繡堆四季都從市中驚空將佳種換
金錢誰解幽姿對空谷徇人萬事終何益娛已一庭差自足
牀頭斗酒宜預儲異日還來看霜菊

上燈節

長紅小白滿園新放恨終朝酒一巡無病染身真是福有兒
傳代未爲貧五千卷軸經心事四十年華過眼春今夜上燈
燈市鬧祇留明月照閒人

天竺山中寄懷錢羹調

不到靈山已十年眼看泉石尚依然
野蟬含露發清響溪女戴花增薄妍
峯似旋螺青到頂雲如飛絮白漫天
仲文信說多才思曾與松房鬪絃箋

湖上聽蘇五琵琶

柳絲牽地黃鸝語藕香吹動鴛鴦浦
畫曉晴晝闌笙歌祇有琵琶妙蘇五
琵琶學最難四絃能作千聲彈故將兒女
幽閒語寫出風沙大漠寒此聲此調知音少
淚漬青衫白公老憑誰更譜斷腸詞
雲母圍屏唱蘇小檀槽銀撥總堪憐一
曲如聞崔九筵惆悵晚來無覓處
平湖新水綠慢天

人日立春

天公有意開人日故遣春風應春節
鳥聲喧報曉光晴宜歲

宜人兩相得綵勝無關繫上絲賞心惟有早梅枝東皋野步
西溪棹併作幽窗一夜思

答袁簡齋

刻意春游樂未終因春來去底怱怱來爲湖上鶯花主去作
江南桑苧翁詩筆卽今誰比健才名到處總推公離居正苦
秋無賴楊柳烟消蓼葉風

半舫食黃柑

佳果茂炎方黃柑霜後實遙從梅花嶺供向芝蘭室開筵賞
珍味傾籠如漸摘鼻觀氣纔聞頰輔津已溢膚刮香似橙瓢
咀甘勝蜜計長寸逾三論種品第一况我酒脾乾連朝詩吻
渴得此如醍醐食旣生懽悅閨中有老妻病齒厭酸橘倘能
遺數枚歸與燈前喫

五十自敘

雅會人人盡率真漫勞搗酒賀生辰長年不願稱松柏願與
梅花作後塵

兩層堂宇四重階棲息三年傍水涯花甲倘能身尚健東頭
添蓋小茅齋

次笑九蒙泉賞雨之作

佳游屢見阻百事寡一歡吟君湖上詠引興飛林樾孤寂諒
有托行臥信多安松醪貯壺滿荷沼夾鏡寬密竹有清陰平
泉無急湍歛然飛雨至烟雲變奇觀磨猶半淡文中忽生波
瀾山僧豈解事詩老應獨看歲華坐淹忽景物春將殘往者
不復回疾于水下灘媿我閉門客結思徒漫漫行當稅吾駕
層巖帶憂端

西湖觀漲

狂雨數日今始休，墨雲猶護青山頭。
金牛湖水增一丈，浩瀾勢與遙天浮。
雙隄漫滅鳬鵝亂，三牖倒瀉魚蝦愁。
蓬萊宮殿愈娟好，水仙祠宇含清幽。
玉尊金管芙蓉丹，飄飄載入天漢游。
晨風徐收宿霧淨，銀波萬頃凝不流。
平居懷抱悶已絕，對此且得開雙眸。
昨側聞青豫旱苦久，千里赤地無春收。
又聞閩江三月雨泛溢，遠過延平樓。
皇天有意厚吾浙，及時潤澤盈田疇。
屋梁龍骨挂不用，漠漠喜見良苗抽。
書生所志在一飽，豈必在在憂人憂釣簾。
一笑重徙倚雲樹，六月生涼秋。

城南觀桃復游聖果寺

城南門外桃萬株，花開如火三月初。
春風導人過僧廬，深深野竹映花樹。
人被花畱不能去，那知舊是宮牆處。
溪迴峯轉

路更幽古藤盤屈森蛟虬嶙峋石罅梯仙樓江天曠望日當
午紅雲堆山更繁渚此中未許通漁父少年來此今日頭先
生又攜童子游折花簪鬢花應羞

竹素園觀鶴

素影靜照池波鮮高格自是禽中仙吾觀相經識上品雙睛
點漆丹塗顛何時羅致受拘束數畝踏遍秋園烟淒淒無侶
抱孤怨清唳遠散明湖前雲霄萬里長挂眼六翮已散難騰
翥烏鳶銜鼠湧見嚇苔石淨掃聊獨眠有如志士縻五斗隨
時俯仰無人憐君不見孤山咫尺烟水接先生歸去七百年
行當築室繼幽躡待汝毛羽能冲天

奚九過訪

寒秋木葉已紛紛孤臥真如鴈失羣政爾枕邊愁思積忽欣

門外屐聲聞飢年遇客難言米浮世論交絕類雲但買濁醪
同一醉不教空腹負將軍

垂老

垂老畏閒死舉世人盡癡請看往古人未有不死時余病日
沈篤後事當早治選材命匠氏繩之復削之終朝一棺就願
足安四肢是我常臥所掩蓋將有期日暮天無雲南薰鬱庭
枝萬物皆長養胡我獨衰遲命也可奈何且爲陶一卮

翟

振字健行號西離仁和人

朱點曰西離爲補堂先生長子補堂豪於詩與堂兄晴
江先生稱東鄉二翟歷官黔中掇令萬載西離並侍
問詩迫歸里又請益於西林吳先生詩益進年三十餘
咯血以沒易簀時索所作諸稿盡焚之余與任石屏徧
訪所知得如干首

尋茵閣故址

樹轉山徑幽陰壑墮松子竭來仙子居翛然遠城市嘒嘒寒蟬鳴激激哀湍駛如聞風外琴一洗箏笛耳菌閣旣蕪沒高風徒仰止擁毳思同遊事往不可指元珠探遺稿句曲稱外史鶴去何時還秋芳變蘭芷

水陸寺石幢

得利字

苔紋翠積秋雨滑瘦石橫堦一幢拔模糊六面蠶頭文古色塵封費磨刷眼明乍識十三字點畫細摹交缺齧紹興之年二十五立石三月初八河村憶來長帽翁焚香夜宿空王刹天花想像散陀羅瞥眼珠宮換埃圻斯幢乃屬後來建考古誰聞操筆札吟詩賸喜證遺聞寺門脩竹風交夏寺與周倉基相近頗疑東坡所開通何畱宿水陸寺卽此地也聞之老僧云舊藏陳坡畫後燬于火府銀杏二樹亦宋時物

蘭橋采藥

得橋字

窮帽櫻鞵野趣饒白攜筠籠問河橋行逢潑火雨初歇漸識
緣江路不遙小圃漫教分土種短鋤閑許帶香挑茅堂歸去
還蕭散鄰火村春破寂寥

汪日猷

字羽階號柳堂錢唐副貢生
官詹事府主簿著柳堂八集

朱文藻柳堂遺詩序略曰予與先生同歲列弟子員初
不甚洽庚子後自京旋里館於味餘書屋先生之故居
也時先生亦方解組歸始共晨夕歡度戊之冬疾作子
亦臥病枕上有詩倡和勘吟勸止惓惓不已辛亥歲除
夕予就榻前與談越日爲
士子歲朝則先生逝矣

遺興

客緒何蕭瑟端居意渺茫囊錢衣估値餅粟鼠爭糧折葦補
茅屋尋龜背石牀相遭淡與泊遺味太羹長

對影日兀坐苦吟殊未成才疎稱主簿秩官冷博廉名未覺

簿書擾惟餘詩骨清盤中時照見首猶正盈盈

思青梅

數聲羌管已吹殘
萬壑同陳瑪瑙盤
想得青青纔似豆
不應生小也含酸

張

泰

字玉鉉號芻田仁和人移居黃巖

春日偕雨邨東歸卽和其韻

笳與咿軋繞江濱
江上晴光映角巾
好鳥送行剛二月
青春作伴恰三人
登臨乍喜看如畫
踪跡渾憐轉似輪
同訪夢中歸去路
到家猶及煮香蓴

樂清道中眺鴈蕩諸峯

峭石如僧拱手迎
仙源何處莽榛荆
山禽啼罷孤猿和
獨立風前對晚晴

大小芙蓉紫翠分
飛泉百道落紛紛
人家都種棕櫚樹
樹裏

炊烟雜晚雲

唐

禮

字又東仁和人著秋浦小稿

得湯對松書

不盡思鄉淚來書獨夜看故人
憐臥病異地勸加餐歲月空
山晚星霜客夢殘與君共愁寂遙憶白雲端

雪齋訪蓮上人

侵曉鳴雙屐行行入竹林
春回雲物秀雪積草堂深
清磬淡塵慮半山聞梵音
探師禪座處寒色滿遙岑

沈

鵬

字振飛號桐谿錢塘人著桐谿詩草

朱文藻桐谿詩草序曰桐谿先生世居桐谿後遷於杭故自號桐谿慷慨爽向意氣耿吟詠幼嘗與某氏訂姻女得疾垂歿其母招桐谿與訣情辭慘切遂守義不娶授徒數十年卒之前出所衣羊裘一襲交胡濤詩唐刻其詩又取手錄所作詩四冊

與予選其尤者交對唐

立冬前五日同沈玉屏過棲退軒對雪追懷鐵橋

故人已下世重來傷我情況當肅殺候雨雪飄前楹
琴書尚滿榻鼠跡紛縱橫念其身在日智識何高明
典墳無不讀六藝無不精著作日富有雕琢戕其生
所失千鈞重所得毫毛輕達人解其會保身如孩嬰
魏侯願失魏不廢左右肱吾既爲汝惜還以汝自懲
決志棄竿牘歸神游太清

智朗禪丈訪余準提精舍燒筍作供

不厭山村僻幽探月幾回履痕隨澗曲笠影帶雲來
道徹心珠皎談深意蕊開午齋參玉版機拙藉師裁

答九峯見寄

故人勞遠札問我住幽岑掃石曝新藥橫窗調素琴
酒邀僧共醉詩與鳥同吟萬事都無著閒雲卽此心

臘月四日同施澹珍慕白宿龍井汪氏山樓

不速三人至茅堂笑語迎疎鐘
山寺悄新月水樓明燭跋燈
猶續盃寬酒更傾平生足幽興
飄灑意縱橫

走馬塘再訪桐江寓館

志稱寬橋
爲走馬塘

爲尋舊侶趁新涼又過橋西走馬塘
烟郭日高蔬市散花村
風暖酒帘香行踪別後成疎闊
眉宇年來各老蒼數載重逢
惟一笑新詩吟罷更飛觴

中秋前五日雨過南欄訪智公坐松巔閣

木末閒拖過嶺遊訪公又到竹間樓
一聲清磬墮山翠幾片
濕雲籠欄流鳥喚定回梅已熟
雨餘詩罷桂懸秋漫將陳句
還題壁畱取他年作話頭

高繩武

字啟新一字湘紉錢
唐人著蘭陵吟稿

何琪蘭咳吟稿序畧曰山友高君蘭咳少工科舉文而旁及於詩雕肝鉢腎閉戶構思每一詩必旬鍛月鍊而後出故所作多深沈精密同里王君德和淹雅好古藏書萬卷家有養素閣嘗修玉山草堂故事招集莖浦散身現塘諸耆宿西湖天虛讓山兩詩僧執牛耳而主鹽沽者爲王丈茨橋君與後飲及余皆在焉常是時觀君循廊覓句具心獨詣仰樹橫眉既而揮毫落紙欣喜之色若忘乎窮達得喪敝屣萬鍾而無以易乎此樂也中年以往賣文金盡金甌塵生膝下童烏一星復隕君乃委懷任運吟嘯勿輟是猶手所自定君事親奉潔白之養因號蘭咳以見志

同人過化城菴看秋卉分韻得清字

行行歷初地蕭爽異塵境妙香縈淨筵天葩落藻井煜若秋
半花豔奪春來景繞砌整以妍映竹閒且靚小蝶團枝低乳
狸臥苔冷開軒延涼飈得趣益清迥伊予淡蕩人狂欲次公
並近復學陶潛止酒聊自傲觀此良會懼敢誦我獨醒願言
無相違因之申後請

馬塍訪姜白石葬處

寂寞番陽叟千詩不療貧江湖諳客味風月老吟身此地曾
埋玉無人與薦蘋徘徊茵閣址都半委荒榛

奉和茨檐王丈移居

作達渾忘雪滿顛逍遙人擬地行仙鄰翁惜別攜蠻榼家具
重移借釣船野景獨開西閣望好風時趁北窗眠所欣朋輩
交情在到處能資買酒錢

二月十六日梅垞攜榼過荷風竹露草堂次後飲韻

浮生剩有醉鄉寬客主都忘飲最歡劇得狂鞭堪下豉貫來
縮項爲加餐令徵前事增豪興春到中分減峭寒月色滿庭
拋不得朗吟歸去詔儒酸

高順

字惠田號虛竹錢塘
歲貢生著虛竹詩鈔

朱彭曰虛竹工詩文爲
齊次風吳東壁所賞識

風篁嶺聽泉

翠巖西山隅停淥滴清冷涼風敲幽篁琤琤起石井行行過
五老漸入招提境山隈一徑通沿緣登碧嶺練色瀉寒烟珠
光碎嵐影選石林下坐凡慮此俱屏洗耳延遠籟滌腸引修
纓辨公如可逢烹泉時引領

懷里中諸友

杳藹吳雲隔水潯屏山堂下獨沈吟五更風雨貧交夢二月
鶯花故園心稽古桓榮春入座登樓王粲涕沾襟幾時重整
西窗約酒釀茶甌話夜深

毛陳謨

字禹都錢唐人杭州府學恩貢生宗旦孫

毛蘊科行述畧曰先君爲人端方廉潔文章向候前詩
古文極工雅精於小學音韻點畫校勘尤審往往能正

古書
之訛

經汶上縣

梨花落盡已殘春
槐眼迷離柳色勻
宿雨未乾泥沒馬
遠山新洗翠迎人
崎嶇自古燕臺路
蕭灑無如汶水濱
脂轄匆匆仍北去
幾時清浪濯塵纓

贈鄭績成

啟緒

紫陌分攜倏五年
近聞貧到坐無氈
寶刀君尚未操割
秋扇我宜長棄捐
把袂又欣萍跡聚
當頭正值月輪圓
酒酣依舊風情在
一閱清歌意慨然

汀州雙柏

良材昔數新甫柏
而今濯濯餘山石
蜀相祠堂蔓草多
漢臺空說烏鵲夕
臨汀雙樹世所希
黛色霜皮脩百尺
高擎幢蓋

葉垂絲僵立蛟龍幹如鐵月明往往見朱衣

見樂陽消夏錄

其顛知

有神靈宅白馬三郎橫槊來疑是當年親手植籃輿數日行
山中蒼蒼鬱鬱多喬松此柏居然丈人行參天萬本皆兒童
新羅巖岫疊千重靈氣蜿蜒有所鍾不遇於人遇於木此理
吾將問化工

吳爲金

字象青錢塘人仁

王曾祥哀辭畧曰吳生爲金從余遊攻苦不忘能自力
於文章自其大父曠谷父陳亭兩先生皆博學善詩詞
儲書數十萬卷所交遊贈答皆當世名士生聞見稔矣
年十四學制舉文稍暇卽事吟咏又取史漢書類次其
辭事而參覈其同異以求一是日手寫數
紙余心竊許焉未卒業而死則命爲之也

食秋蒟

入手紛紛散似絲季鷹此日最相思年來略識悲秋意愁絕
西風下箸時

秋日南屏坐雨

重陰漠漠度長橋曉過僧廬肯待招颿香雨聲穿樹腹模糊
雲氣失山腰一涼到骨秋衣薄半偈明心午磬消水墨屏風
誰畫得清遊應不厭連朝

程樹本

字蘭中號訥齋錢唐人士樞孫著檇枝集詩鈔

竈餠

司命豈嬰兒乃亦樂含飴世人厭辛苦遂以甘爲宜椒餠芳
且潔不如餠薦時儼若思嗜好歲歲無改移餠餽雖薄物維
神其吐之殘年到蔗境分甘拜神慈

年饅

人心多好高諧聲製食品義取年勝年藉以祈歲稔粵稽所
由來餌養名旣狃沿久遂失真劉郎詩料窘我本卑棲人饅

糲餐堪哂欲更上層樓翹首待挈引

李

鑒

字彥冰號江湄又號江

詹文政簾窗集序畧曰予友李江湄雅澹士也與之交
最久昔年往來吳越間名山幽壑嘉木芳葩以及從倚
窮廬盤桓客館晤良朋逢美醞一一皆發之於詩生平
安貧守拙豐約通塞之遭不一櫻酪慮布衣疏食泊如
也甲申夏日遠訪予於京師示以年來簾窗諸什江
湄遽欲南旋老友惜別倍覺黯然用弁俚語於簡端

舟泛前溪重懷詹石潭

文政

悵望前溪水沿迴出遠汀久疎山簡報空負草堂靈岸草晚
逾翠遙山澹自青天邊懷老友何事逐浮萍

早寒

漸覺霜威勁天涯難久留寒衣無婦寄敗絮有誰謀病葉吟
風冷殘蟬咽露愁已傷千里目不敢上高樓

陳謝馴

字方裴號慧堂錢唐
諸注著意堂詩餘

碧谿詩話蕙堂羸弱善病年三十餘而卒無子所作詩多散佚吾友胡葑唐往哭之索其遺稿寡妻從敝篋中檢得一冊乃手寫不全本也葑唐復尋得舊稿數番合併授余因選錄之余與蕙堂交久而見不數數讀其詩可以見其生平

寄汪訥人兼呈潘毓青

憶子南游跨玉驄正子消渴臥城東八閩山色橫柳雨五月江流舶趁風幕府蓮開秋水綠驛亭荔熟曉雲紅此行若見潘懷縣爲話茅堂思不窮

酒旗

何橋野店路纔通大字翩翩影颺空牛背夕陽驢背雪梨花微雨杏花風徧招物色來行處忽捲溪山到眼中我正尋壚懷舊事好憑指點過黃公

寄胡葑塘

昔年孤館枕江隈，銀燭飽看日兩回。
握手同君江上咏，清尊沙店黃花開。
幾年多病希相見，咫尺天涯況他縣。
江頭風月自多情，泛宅何由遂初願。
枇杷陰濃水滿池，寓樓又逢新夏時。
閒理殘編觸往事，石榴花裏唱君詩。

玉泉山中

疊嶂迴環鎖梵宮，忘機除是入山中。
清流如玉二三里，丹桂弄香四五叢。
不定閒雲翻磻白，無名野果亞枝紅。
何當掃却閒煩惱，一卷南華坐晚風。

韓芝肩

字近真，原名渭，字伊人，號月峯，錢塘人。杭州府學諸生。

朱彭曰：月峯少英敏，從游于莫柳亭之門，卽工詞賦。下筆千言，倚馬可待。人以其交推之。晚年病足，惟以書簪自怡。有二女，仲曰鸞儀。季曰鳳儀，以貞孝聞。

角行旅思

衰草連空浪拍隄寒雲漠漠四天低岸填蘆葦蜂房密屋覆
茅茨燕壘齊地遠江南山色少風來直北水程稽舫樓倚徧
無情思心逐斜陽到浙西

晚渡宜興西汎用羅江東金陵夜泊詩韻

遠帆如薺出蘆叢萬頃茫然獨倚篷水濶金鋪斜照日浪高
雪涌逆吹風漁依淺渚生涯穩客到中流眼界空朗咏襄陽
洞庭句置身宛在太清中

暮秋卽景

平野西風淡夕陽疎林殘葉醉新霜弄寒天氣渾無事獨立
柴門數鴈行

何紀堂

字山甫號桐蓀錢唐人玉梁孫熊

錢大昕墓誌銘畧曰君少明悟長從吳雲巖修撰學爲
詩文才思清曠性慷慨客山左時有馬別駕登輦者從

君貨數千金卽傾囊予之無何別駕效遺孤貧不能自
存君卽焚其券雖以此致困不悔也君精于醫術候三
部脉處方劑應手輒愈春秋六十著道樞書屋隨筆十
卷又續語溪志四卷則侍親祁陽所葺也子元錫字夢
華與予交十年篤志
古學尤嗜金石刻

送雪岩荆五歸安肅

一樽別酒歷亭邊旅邸離情劇可憐明月剛臨秋水渡涓城
又唱菊花天詩酬名輩推騷雅曲和陽春協管弦勝事畱傳
無礙處先生到處是神仙

邠州懷古

問道縈迴一望中村村圖畫記幽嵐民安儉俗閭閻靜地枕
巖疆氣象雄野外霜林堆赤棗嶺頭馴犢逐黃童停車莫怯
征途遠往事猶能說古公

己酉三月送惺菴兄裕城自江右入觀

報國有嘉猷匡廬最上頭雲連中岳氣

由豫撫調今任

水接九河流

曾任河督職比唐方鎮勲高漢列侯烏衣新甲第王謝不相侔

夢斷池塘草春連夜雨牀才名慚法護風義愧元方自笑生

涯拙誰憐失路狂平生無限意落落任行藏

錢受穀

字黃興一字冲齋秀水人舉孫炯子乾隆丁丑南巡召試舉人授內閣中書庚辰進士改庶吉士

散館補戶部主事歷郎中權漢興道調迤東道著燕詒堂詩稿

古碑行爲趙勇遠作

銅雀斜飛魏臺圯一瓦曾蒙萬金索百年金谷廢空園剝落

苔磚更誰獲當時陶匠等泥沙豈識流傳便珍璧宋家山河

二百六十州烟飛艮嶽邊塵浮長江一畫作東晉羅刹雨夜

寒湖秋武林城下開宮殿依舊繡華夢中兄將軍鏃馬臥花

園內侍金錢布僧院我來古寺西湖濱

得自普福廢寺

手摩白塔吹

青燐旁人指點土花碧謂是昆明劫後塵古磚磊磊三十二
間道耕犁出深隧卽今四百八十年依稀猶識咸淳字風摧
雨洗煙塵昏落花滿地空苔痕江山自去物有主來傷咸淳
幾葉孫咸淳孫子中丞後黥漆雙眸世誰偶不教故物委泥
塗肯使瑰奇落塵垢博山金鼎瑤圭旁黃埃滌盡騰精光低
徊拂拭更惆悵想見當年佳麗場枯紋擾擾垂漁罟可是中
原汴京土王孫撫此莫興哀變滅浮雲自今古

花馬池

山城臨絕域風物逼諸蕃白草歛霜堡長雲漫塞垣牛羊邊
市晚角吹戍樓昏太思思河套何人更佩韃

間砧

官步寒砧急因風響入幃誰家細腰女搗破越羅衣遠水人

難見江樓客未歸聲高驚落木征雁亦低飛

香稻春甫過陳氏園林有作田甫次其韻余亦和一首

開爲先副使公別業今其西偏爲余甥葛蔭三所有

石作屏風竹作帷虛堂習習曉風吹池連春草蛙仍鬧巷改
烏衣燕尚窺故物百年歸宅相新花三月藝場師平生雅識
盈虛理往事都教付一卮

月夜偶成

虛堂蕭瑟靜無塵衙鼓初撾夜氣新皓月淡於江上水清風
來似故鄉人繞林烏鵲飛三匝逼耳秋蟲咽四鄰身世未諧
歸夢好不妨消受是長貧

六月二十四日草廬官贊浦山徵君招集汪三石茂才
水亭分韻得八庚

爲愛叢荷繞竹行短籬斜罨葛衣輕
七人追暑來花榭四面吹香入酒鎗
天氣乍秋新爽在水風過午嫩涼生
斯遊幸得陪前輩滿座清言自析醒

和香樹先生舟行看紅葉韻

萬山煙樹幾行詩吟向天寒日暮時
檢點人間秋葉落晚紅猶是未衰枝

秋林花信已全移賴有霜紅一殿之
多少西風動顏色年來冷暖只心知

錢世培

字子厚號藥南秀水副貢生官桐廬教諭著藥南剩吟桐江近稿

聽客談登州海市並述蘇長公舊事
卽次東坡韻紀之茫茫雲海浮虛空
神山何有空濛中時和候暖海波溢
憑虛湧出仙人宮邑居壯麗樓閣聳
架構刻飾真神工翻繡旗纛

盛羽衛百千幻影如游龍往來人物燦可數黃童稚女鮐背
翁豐盈直似一都會江淮吳會輸繁雄神噓鬼吸妙無迹須
臾變滅誰能窮莫疑幻妄訝竒怪偶然氣至斯爲融坡公昔
作蓬萊守禱祈而請情所鍾嚴冬啟蟄佐清賞正直自獲神
報豐馳若島上肖公像一篇海市鐫青銅竒觀勝地不易到
安得羽翼凌長風

法源寺看海棠同人分體賦詩得七言古用東坡定惠

院海棠韻

入門一逕森古木客憩者雙立者獨僧來把手問他處導我
幽尋僧不俗齋寮對啟花對開直染祇園作金谷兩株東植
環以輒一本西栽翼之屋初酣卯酒紅上頰不解春愁體豐
肉猩脣恣囁雀聲喜粉臉徐偎蝶夢足縈雲烘日愈妍靚燒

燭添粧更嘉淑直疑天女遊戲來小試瞿曇蓋菜腹看花聞
道客最多花下清朝如立竹三年住近未識面薄暮過從初
飽目髯翁有句感羈楚杜老無詩空處蜀故園千樹開爛漫
不得南飛侶黃鵠相逢漂泊且自怡步繞雲堂展舊曲毘羅
不二色相空稽首導師無背觸

沈祖修

字象雷秀水諸生著北
遊草粵遊草古樵小草

讀先中憲公公餘雜詩有感呈古音兄

一行辭瑣闥萬里度綿州地扼烏奴舊天闔白帝秋旅吟生
馬首鄉夢阻牛頭零落殘編在驚持淚莫收

秋齋

寂寞掩柴荆秋光小院清病花扶不起衰草難還生雲破見
鴻影漏沉聞雨聲山遊應晒屐明發望新晴

泊京口登北固山作

高岡振策俛江沱，江水如油曉不波。
瓜步斜連吳甸小，秣陵西去楚山多。
風前津鼓聲聲急，樹杪雲帆葉葉過。
聞有蕭郎遺館在，南朝文物近如何。

清明後一日同人遊萊蕪蒼龍峽

蒼龍兀雙峽，名蹟垂古今。
芳春媚韶景，結侶成幽尋。
款段出西郭，沿緣側清潄。
遙峯帶平楚，隄柳綠未陰。
陽和悅衆彙，時聞鳴嘉禽。
行行陟亂石，歷歷踐皋岑。
問途亦旣至，坦遠無嶮崕。
峯壤剝當古，厓不聞鐘魚。
音流憩但沙，磧未覺愜素心。
稍稍轉寺北，巨壑供俛臨。
窈窕闢異境，剗然披淵襟。
層岩怒欲落，邃洞敞以深。
藏珠漱寒碧，瀉作松間琴。
枕石坐移晷，涼意心骨侵。
酌泉煮雲液，茗椀相共斟。
乃知此中樂，雲臥輕華簪。
崇

巖生翠柏映日光鬱森中有玉龍澗常從風雨吟傳聞薛仙
人棲遲此山林以指作草聖銘於七星鐔至今雪光石遺珍
同寶琳

李大翰

字冠翼號雲莊秀水人官刑部郎中著雲莊詩鈔翰臺使草

甘州道中和韻

祁連遙望雪嶺崦舊壘荒屯眼倦看疲馬驚沙嘶日暮饑鳥
投樹怯春寒月移瓊帳更頻轉花剔銀燈夢易闌回首鄉關
疎雁影玉門西去路漫漫

度天山

路長人困指天山磴嶺盤紆復莫攀樹懸危峯來撲翠雪消
絕澗下飛瀑層冰半破春犁動落日將斜客騎艱見說山松
仍易葉行人那得不凋顏

天山有紅松至秋落葉

李大恒

字南有一字棉友秀水人大翰弟
官刑部主事著竹餘小草白雲吟

沈珏曰棉友收藏書帙里居結禩
湖詩社從王光祿遊詩名藉甚

送黎晚亭歸梅州

鳴蟬悽碧樹言返水雲鄉五嶺峯回合孤蓬路渺茫旅情燈
影亂歸夢櫓聲長想見梅花發江亭繫野航

夜泊鄱陽湖有懷

江明無月夜極望水雲深誰遣天邊雁來驚客裏心一燈紫
遠夢五老助高吟葉落西風緊愁聞隔浦砧

豆腐

南山一頃種村翁食法傳來仙品中質爲磨礪成變化味因
水乳得交融孤高常伴茹蔬客淡泊偏餘啜粟風嗜好酸醎
原異俗笑他肉食究何功

點就吳鹽糝蜀薑此中臭味淡彌長價低不用金魚換昂貴
能邀玉食嘗棘七山家茆屋底荻標村店酒帘傍吾儒氣象
清如許莫謂齋期學太常

盧永章

東陽人

羅刹磯初秋觀潮

陡來一綫白於雲秋色驚從兩岸分徑滑欲添黃葉雨江空
忽漲紫螺紋樟亭鏃鷺仍重水蓬島嵌鼉半夕聽剛是如卷
羅刹石不消元氣尙氤氳

盧

紱

字廷十一字方堂東陽人乾隆丙子舉人

謁李正節侯祠

死仍甞鐵骨生不愧丹心骭髀東萊學淒涼北面忱城頭高
處立朔氣夜來深展拜山祠在霜秋響暮砧

俞葆寅

字蒼石仁和諸生

梁同書著可儀堂詩序偶存曰鄉先輩俞企賢先生工書畫
衆刻兼長於詩俞氏世以科名顯前則勝白先生萬歷
間進七歷宰七縣有惠政後而爲神後則以除先生父
子迭與文章推海內先生四世從孫蒼石少時卽喜爲
詩有所編輒於詩發之因諸生三十年規筆硯衣食東
泝越江北渡揚子客金陵泛秦淮水可喜可愕感見于詩
袁枚序畧曰蒼石耽詩家無儲石不以爲意常交吳西
林翟晴江兩先生研究詩目以嘗遊山陰窺禹穴過嚴
陵七里瀧登眺金焦得江山之助下筆如恢奇屢用秋
試項項然不能無問余歎且謂曰今人動稱科名不知
科之與名相離久矣唐韓愈以退之爲大父身中狀元
無人爾說而終身不第之羅隱方干至今編詩者不能
視其一席君將百年中與一二入爭耶將三年中與千餘人爭耶

南宋石經歌

南宋和議停軍鋒文事豫暇修九重翰墨力學十五載橫斜

平直追王鍾

高宗翰墨志云凡十五年非大利害相妨未嘗

五經語孟手自寫精心欲究羣儒宗丁丁玉斧開貞石鄭

重直擬珪與琮高趺詔立成均裏泮池倒影春波濃神孫嗣
統紹厥武光堯傑閣排雲松自光歷寧理度恭降表馳送舉
亭峯小朝廷墜海水沸髡徒恣虐妄作凶議徙碑材搗臼塔
健挽竊幸申屠逢旋自邑庠遷郡學長廊偃甌耶兼容經生
說經不愛經但令剝蝕歆垣墉古來石經凡有七能事特數
漢蔡邕後來紛紛繼刊刻雲烟散漫難追蹤惟唐開成畧完
具補綴又苦人才庸此卽歲久多脫闕揮灑當日由飛龍位
置忍教雜榛莽淒淒風雨悲吟蜚誰其寶惜重整頓扶剔手
自除葦背依舊高軒置爽塏斷裂各使移相從諸生撫摩助
講解橐筆就校忘春冬煌煌聖經耀日月丕丕古物偕鼎鐘

上作

天子揆文教庶亦有裨時熙雍

湖上雜詩

晴湖二月柳初嬌
寶馬香輿漸次饒
幾日春光濃似酒
桃花紅過段家橋

外湖水深盤細荇
裏湖水淺生新蒲
羣魚小學游人隊
游徧外湖游裏湖

清曉三竺燒頭香
徑穿靈隱遊戛光
回程亟待昭慶去
要買女兒黃竹箱

湖中名勝最關情
遠趁鷓鴣花四處行
莫訝打包歸客早
浴簾時節近清明

江行雜興

港汊彎環出荻蒲
歷亂遮橋低經漲
斷屋小背岡斜穉子挑
生菜山農剝早麻
尤供行客便處處賣魚蝦

排連厓作障欵乃觸衝波隴闊眠鳥吟人閒補綠蓑芳醅鄉
店少秋色旄樓多已過孟蘭節花谿尙放荷

漸起深林霧徐歸古寺僧沿籬收酒旆穿樹見邨燈渡口還
呼艇溪灣罷采菱移時蘿月上一片雪光凝

尋白衲巷

雲深不見路林深不見日林深雲復深精舍杳難覓鐘韻一
星星山嵐忽引山

金陵

天險不可恃廢興會屢經水連金楚白山帶六朝青寬綽市
城地魁奇龍虎形容客來尋往蹟金粉易飄零

良辰逢二月滿眼惜芳菲渡口桃爭發風前燕亂飛寒潮分
港入舊院得春稀尙有佳公子開尊妓作圍

隨園張燈辭

名園秋夕開燈場四面紛如黼黻張頃刻春陽回黛壑全教
璧月讓輝光

過臨江鄉贈吳西林先生

穎芳

城東隱君子託迹愛幽深室有高僧伴門無熱客尋茶烟添
竹色鶴夢冷花陰幾度乘閒到清言愜素心

賣錫翁

有來賣錫翁吹簫走井邑銅鍋調蔗飴膠黏勝蜜汁就範方
圓成鼓氣形象出果蓏兼蟲魚得售便分給我時立塗中陳
說勸此翁智創巧者述技藝迥不同苟堪益人世徒手亦奏
功今視翁所爲外脆中復空滅沒等泡影無初焉有終尙難
飽螻蟻鳥可欺兒童此翁聽方罷熟視轉嗟訝子言似誠篤

子見實卑下萬事過眼前何一非虛假昨日花正開今日花
已謝多少利名人奄忽隨物化斯理由自然賤業豈行詐我
徐思其言曲包至味存乾坤本幻境細渺何足論旋將規戒
意改作笑顏溫此翁弄簫去嗚嗚隔前村

發光觀日出歌

參天萬竹齊舞風浮空翠浪翻重重精廬隻出飛鳥上千盤
磴道穿玲瓏住持解揖客貌閒語從容備誇海日出規仿畫
難工三更展孤眺奇景軒窗逢聞言願觀止夕偃山蔬供徘徊
徧廣殿塵慮斷垂檐星漢窺雕甍羣峯寂歷夜過半一痕白
豁扶桑東雲如絮新壁水如銀就鎔如虹初耀彩如火漸燭
空燦爛破冥晦洵湧驚魚龍海若不愛寶滿輪擎出珊瑚紅
銅盤金柱少定狀閃閃燦燦直欲令我迷雙眸往夕繩牀擁

衲被軒呵誤入槐安宮。漕然習忘造物妙，縱有耳目同盲聵。
今來混沌頓鑿破，軒爽一快平生胸。蒲團著坐暫倚倦道者，
盥沐纔打鐘。竹徑靜聞清露滴下山，曉色猶朦朧。

食豆粥示從姪

炯

筠簋小摘疎雨後，糜粥晚炊雜以豆。江鄉風味絕可憐，菰飯
藟羹此其又。暖香鬱發氣浮浮，兒女歡呼抵蒸餠。較如白傳
詠防風舌本清，甘得餘漱儒生自奉原菲薄。詎必豐肴佐醢
耐月來，戴勝鳴桑陰綠莢垂垂繞畦繡。登庖劇喜乍開園，采
過三番猶暢茂。釜中未聞然其泣，籬下且自撝裾走縱橫。每
夕具雙弓食肉之譏，當我宿說與同餐。阿買知山田幾畝，須
勤守。

過嚴灘

灘前屬玉去來影灘外畫眉高下聲船頂白雲飛不佳一峯
纔送一峯迎

雨後偕董北樞

觀化

遊臥龍山

踏春春未去素侶相因依空山過微雨景色開芳菲和風醉
花骨新賜染苔衣坐對一尊酒頓覺物感稀白雲飛不盡鳴
禽聒翠微

夜抵蘇州

平江遠近起吳謳夜色空濛轉枕樓枕上不知烟水闊鷓鴣聲
搖夢到蘇州

海獅

傍海紛繁出沿沙瑣碎黏身輕纏縷密髻小傲螺尖繞殼嶸
兀固藏頭蔽亦嚴終須防尾擊悔不效泥濘糝待研俶粒撈

先趁釜鹽循聲隨吸取判味但毫纖核品鮮菊衆關懷市價

廉陶盤登百輩次第指同拈

鄭之珣

字天飛號半桐錢唐人江子乾隆丁丑進士官賀縣知縣

張廷俊曰半桐爲翰林院侍讀銜谷先生之子夙承庭訓學有淵源罷官後歷掌楚峯高郵書院

同人集竹裏館卽送張雨邨還天台用李青蓮宣州謝

眺樓別校書叔雲韻

詩翁東去不可留竹間錄別增煩憂吾聞天台拔地四萬八
千丈直接神僊縹緲之飛樓自古詩人足仙骨清吟耽向清
遊發盡簪曾不及旬時閒卻西湖一輪月重晤期占大火流
新篇應得慰離愁芹香桂馥歎君住相約同領樂玉舟

傅文光

字衡玉一字竹溪金華人乾隆己卯舉人著東山草堂吟稿

烈女操

烈女義烏樓氏許字同邑朱氏子行結褵而朱氏子
遠出踰年卒於外女得耗誓以必死已而朱氏又報
耗不的女且待之一旦聞有賞其夫柩歸者女卽以
是夕沈於園池父母晨起見池上有夫之年月帖勝
以絕命詞八章衣囊上下皆固紉不解卧房筥篋封
誌繡履若干具朱氏聞之上其事於邑宰宰臨其墓
請表其門

昂昂太山松附之以兔絲兔絲日夜長不藉春風吹少小阿
母側插花紅襦裳三五及二八自繡雙鴛鴦男兒志四方妾
豈及汝詰身是小兒女焉預汝出入天風何飄飄斷蓬何飛
飛一朝因問至謂是長不歸摧頽太山松慘惻兔絲意根斷
隨其心是我死期至家人苦不知謂是由說傳一棺雙素旌

忽已返鄉園
激激園中池
翩翩身上衣
紉衣下連裳
自沈不復疑
池中亦有魚
饑能噉吾骨
噉骨遂到心
飲我滿腔血
尚有繡履綦
女男各雙雙
筍篋亦具有
珮環聲
將將以奉公
姑陸離互文章
死別可奈何
此恨天地長
匆匆縣官來
薦之以曾泉
泉寒不人熱
旌汝坊巍然
女生本知書
女死亦有詩
誰將懷沙賦
表此烈女祠

陳聖修

字念祖號岸亭一號香海居士平樂籍山陰人乾隆庚辰舉人官雲南府通判著益善堂文稿香海

詩草

初詩選

宋張畧曰公居官清廉多惠政賑饑民勸平糶通商賈

興學校建書院折獄能平反營外趙越州以工代賑法

修開修廟爲刊甚溥事親孝官蕪湖口迎養太夫

人官齋監因築別業傳高年權處兄弟間極友愛

戴瑞口岸亭爲先外舅沈倫村先生所得士又爲庚辰

同年來京遇從嚴密口不言詩晚幸蕪湖方以九華春

郎詩歸和時已久病滇南不赴而歿子廣寧工詩好古

因嗣伯榮時死事難應駙尉効力杭州有集曰蠶官然

大府不以廢官固之也

將至湘潭夜泊三江口

地濶江寬水漫流平沙渺渺近滄洲因風漁火明還滅浸水星辰動欲浮青草湖邊多宿雁荻花岸裏傍孤舟愁來更作瀟湘客不是逢秋亦畏秋

放衙無事偶作

放衙清暇度城闌每到浮舟攬景真

古浮洲寺今更名浮舟

江帶湖襟

塵外境烟蓑雨笠畫中人機心已澹鷗堪狎風氣還淳雉自馴此去尚餘幽興在河陽有待種花新

王學濂

字志周一字廉泉號耕壘仁和人乾隆癸未進士官德陽知縣著清愛堂詩稿

重九前二日登蓬萊閣

斷壘百尺駕巍臺秋色平分爽氣開瀛島星河環北極節樓

鼓角壯東萊天低雲影千峯變風急濤聲萬馬來欲把茱萸
期汗漫振衣身到九重垓

朝宗巨浸奠坤隅記里岵夷列版圖荒徼卽今通歲貊巖疆

自昔控倭奴

北望朝鮮東連日本

沙門守望餘烽息估客帆檣落照孤

傑閣若教臨釐道會看春雨長龍芻

徐州道中感懷寄崇明范明府

彭城山色帶斜曛消息頻看海嶠雲蜀客黃樓曾作賦吳蒙
白衿尚能軍舞衫歌扇因緣薄華髮春燈荏苒分儘把生涯
赴行役每逢佳節便思君

鴛馬投槽又著鞭十年駸髀舊鞍韉依然蕭寺聞鐘客愁對
清江上瀨船歸夢湖山春社外懷人詩句落花邊范丹心跡
潛夫論自昔風流得其傳

趙廷璋

字奉峩一字截園東陽人乾隆

樓上居日成豐苗地土司領之古夜郎界也乾隆二年
置縣屬施南府共民絕少土著重蠻疊嶂勢大牙錯延
率專意撫循休養累年民得盡力開墾以次登籍俗悍
不知風教延璋指授以文歲戴輿子同考得士爲盛以
月量外捐俸恤其家民大感戴輿子同考得士爲盛以
最調天門咸豐民雷之內艱歸民揮涕送之數十里
戴璐曰載國父田老諸生甲戌歲試袖父子試藝質先
君閱畢語田曰文佳俱可一等然爾子不久必成進士
時東陽無甲榜已八十年人不知信載圖果
于己卯丙戌皆中第八名自是人皆知裔云

梁父吟

梁父足高吟隆中長抱膝祇爲三顧行非爲三分出

沈映桂

字大林一字咏樓錢唐副貢生著香粟齋詩鈔

辛巳早春龔三深甫有維揚之行詩以贈別

惆悵良朋事薄遊片帆飛處指揚州杏花春雨憑收拾大好
題詩滿寺樓

由來客舍刺蕭條回首鄉關入夢遙欲解離羣多少恨春風

春雨問紅橋

盧潮生

字信波號鳬嶼東陽人仁和籍

陳焯曰鳬嶼本東陽雅溪人自高祖遷杭積德行義世以醫濟人祖更有名鳬嶼以祖宗爲重繁有三峯志蠅頭細字數易稿成餘姚盧學士文昭爲序稱其稽核事行搜羅藝文足以振正夫先生之盛緒云惜未覓其志

李而

雨中懷兄東園

十笏幽棲地聯牀記舊云一卷空坐雨三載悵離羣鳥影下
寒華溪光亂晚雲明當攜榼至相對話斜曛

衛成年

字懌亭號杏帘新坡人乾隆甲午舉人

洪耀曰杏帘爲邑中名諸生性詠諧詩文每多新穎嘗與杭太史董蒲齊宗伯次鳳遊淇芳園十詠館余家時所作也

小園

屋側園林小依然庾信家山皆當面起牆以及肩遮冬菜連
塍熟春衣帶苕斜兒童栽月季開遍四時花

桂延蘭

字海洲慈溪人清子乾隆甲午舉人著虛筠詩稿續稿印月草堂詩集

清明日過亡婦周氏墓

墓草愁看雨後新空山啼鳥又殘春泉臺夜冷相如意猶是

牛衣獨卧人

時長延

字雲葉號曼亭仁和諸生以耆年應乾隆甲寅恩科鄉試欽賜副貢生著見末山房學詩偶存

署後晚步擬託席給事寄書

梅雨新晴翠滴巖官衙有客欲張帆人間索句思尤刻詩老
看山眼愈饒深樹夕陽啼鳥雀斷巖幽徑遶松杉洞庭西去
無多遠好寄蘇臺書一緘

黃雲章

字德漢又字景憲號網齋黃巖貢生

成學標目綱籍長身短視終日伏几案致背亦爲僕屬文務精思賦尚冠豎貢後授徒溫之白溪遺稿數佚無

天台赤藤杖歌

坡公昔重枕柳枝蟲歎舊種葡萄樹冷冷金策振空山惜哉
未盡興公賦八重縹緲蓮花峯紫霧丹崖掩晨暮赤藤嶺鬱
蒼崖巔飽閱滄桑不知數甫里見賞文黜然截之不惜山靈
護山人昨日凌巖巖誰爲扶我青雲步得斯真自詫靈竒莫
晒規圖方竹誤只愁風雨來前溪却趁雲深化龍去

范永潤

字吳雨鄞縣貢生官詹稽訓導著洗竹山房詩選

天章寺

天章寺裏杖藜停一帶寒烟鎖石屏睜背老僧忘世事詫余

何故問冬青

黃聚奎

字殷仲鄞縣諸生著聚諸詩稿

食笋

草木勁直莫如竹天生此物非果腹卽以食論亦殊常錦繡
初苞潔勝玉食夢則辛奈則苦古人下筋慎所欲若云食物
能移人日啖當令腸勿曲

宋

岳

字豫原海寧人

咏蟠香和朱古心

學水作迴紋窗虛裊翠雲能傳心晝夜不惜意氤氲雅竝蘭
言吐清疑墨韻分每憐荀令去尚剩南山熏

郭夢元

字夢元號雪鴻海寧人著吟安軒詩鈔八卷

俞寶華曰郭夢元進德清訓導未抵任卒

訪張舅參不值歸途過而却寄

武原城上啼春鳥，鳥夜村中訪故人。
十載名園勞夢想，一時交臂失情親。
小橋流水舟橫渡，細雨斜風客墊巾。
他日重過君在否，芒鞋何惜往來頻。

羅

福

字體占初名以靜號諱齋
號海月山樵新城諸生

對月

明月挂簷楹皎皎，萬里情誰共。
愛良夜共此金波，清輝周遠。
近一意愜物我，平披襟坐相對。
渾然忘虛盈。

袁夢化

字文經號臥村祿縣
諸生著秋村詩草

偶成

杜鵑聲裏日初斜，茅屋林間三兩家。
長短春情懸柳線，瘦生詩骨鬪梅花。
釀成好酒常留客，編得閒籬待種茶。
小立風前

暉不俗遙山幾處斷雲遮

李秀銘

字希湯一字涸溪東陽諸生著衮忠錄四卷願學齋集二卷笏山草堂集四卷

吳國埤墓志名曰涸溪父諱俊道構樓藏書延名師以課子弟有來學者過廊曲攜几席林蔭周不具涸溪商占瓶今每發一論張詞厲氣溢山眉宇嗜飲酒至五斗不醉軀幹魁偉嘗與之遊杖武場見所舉就三百勛石涸溪曰勇如資育當車千勛此何足為壯士程即提其石自欄內擲之於欄外衆皆大駭

陳無軒學博湘管圖章韻

無軒之竹竹匝屋無軒之屋屋依竹朝朝暮暮坐對此時一
風生間戛玉山西明經嶺平采是據湘管齋中綠樊桐山人
近作者一再圖之韻岩谷圖成第二復第三各自本來真而
日畫樣翻新適得古詩如其畫以爭錄關叠強韻到八九儘
有文言能道俗每作一詩闌一界船棹武夷綠而曲邇聞主
人世貧病居卽有竹食無肉五湖三泖道阻修般騎恨無今

弦穆

施承烈

字奉義號萊村仁和

朱文藻曰施萊邨爲予女夫之從叔如阜徐觀政湘浦
爲寧紹運副萊邨客其幕予因時與往還湘浦主持風
雅時招武林諸吟朋鴈詠西湖萊邨必預其會今歲丁
巳萊邨就館城南夜半火作倉卒不得出關門死者九
人萊邨與焉天之貶貧士荼毒如是亟往哭其靈詢諸
嗣君以遺稿幸有手鈔一册不盡付之煨燼卷中經袁
簡齋所點定予畧撮其尤錄於編嗚呼以萊邨之才
而遽嬰奇禍以促其詩之入錄豈予意料之所及哉

酒帘

姓氏識黃公愁城望欲空價高三日雪影亂一竿風綠柳前
村見紅橋小市通尋常行處好醉眼認西東

聞蟬

歸夢頻驚覺蟬聲唱晚涼寧關風力健爲寫客愁長人世幾
黃葉故園多白楊一枝遙托處猶自滯他鄉

同人東篁山看桃花避雨李氏山莊茶話

青鞋三五共尋花花映溪光繞岸斜萬種愁消芳草路十分
春在野人家牛歸壟上迷紅雨驚起橋南落絳霞仙塢柴門
容客叩殷勤汲井爲烹茶

山下有
斑竹泉

將有紫狼之行湘浦持畫雨樓冊子索題

運朝積陰霽暫雨恣灑沃媚茲幽居情憑高得奇矚川明和
氣動草木競華縟拂檻柳千條烟縈衣盡綠登臨勝臥遊好
景遠塵俗羨煞畫中人徜徉清興足嗟予別思催腸斷春波
曲相望隔雲山無因同剪燭屈指牡丹期歸來謁芳躅清話
竭朋儕一醉鸞花續

壬寅除夕

年光如過客客裏過頻頻爆竹狼山夜梅花雉水春科名嗟

老大世味飽酸辛兒女椒盤頌來朝四十人

黃

基

字玉階一字春圃仁

黃模日玉階於予爲疏族其母姚子之從母也姚夢食
挑甚香遂生玉階弟曰聖階皆明慧絕人不永年玉階
歿于乾隆癸巳年甫二十有七春漪搜其遺稿屬翟晴
江先生定爲春圃遺草二卷凡百六十篇癸巳暮春
模與吳穀人姚春漪訪于鄭家橋玉階之居誦其近作
有廿載功名磨鐵硯一春風景又揚花之句時玉階已
病矣同人間之黠然果于是秋下
世今集中無此句蓋其遺失者多矣

秋草和梁兼士

無復茸茸襯落花玉人珍重感年華
寒生簾閣初歸燕冷逼池塘欲禁蛙
朱綠愁經霜一畚拾鉏記到路三叉
憑誰寄語秦淮客老盡蘅蕪尚別家

舊遊猶憶踏青莎歸路時聞緩緩歌
金谷園荒烟乍合黃花戍遠夢偏多
定憐書帶青如許爭奈裙腰綠似何
莫向望春

門外望西風滿目水微波

九月二十一日陪翟晴江先生泛舟西湖至赤山埠

謝公癖登臨不受塵鞅紕昨因山僧期佳興遂一決而我得
從遊喜甚屐齒折是時風斂霧天水共澄澈扁舟截鏡而去
若飛鳥瞥茗茗西南峯一一屏障列翠色紛相迎青眼望不
竭遂泊定香橋前山弭清節

湯雯榮

字翠擎仁和監生官開平縣尉

胡東蒙曰翠擎幼工制義隨父對松黃門於京邸以國
子生應順天鄉試屢不得志後因方畧館議叙出爲縣
尉平生喜論詩雖屈抑下僚而吟咏自若嘗記其過
嚴陵釣臺有秋風冷故裘之句後歿粵中詩稿盡佚

水碓

軒輦造杵臼亦以息民勞山人廣遺意水利窮深坳溪流猛
有力石堰固且高支分導別派勢匯觸飛濤乘利當衝要制

器象桔槔鉅輪運環白水接沼沼團警滿月躍響答飢鴻
號數尺練新漂萬斛珠分跳踴亦重啟閉轄或微塗膏二杵
逸以待橫軸亟相遭仰如雞司晨俛如馬歸槽雷聲轟雙耳
塵溺沒二毛魏舒少自守德耀苦親操或擣萬杵藤鼓扇俱
揮毫或舂千箱米炊玉飽食饗晝夜機不息遠近勢莫逃鋌
羽映漁爨地仄方江砌上架風折木周繚宵索綯雨雪蔽頗
密草竊防寧半晝但執爰婦穴則司兒曹利用各書日赴期
如聞鑿智巧奪造化力省趨耕陶想見物土宜可以禱風騷

湯雲采

字續如
仁印人

湯禮祥曰先叔早歲能詩伯祖對松給陳
期其遠到惜未三十而歿篋中存稿亦少

齋居

坐卧翛然日欲斜茅齋逸趣靜中賒粘牆半褪初生蝶隔葉

遲開小朵花敘局不須勞弄切停毫無復事塗鴉端居自笑
渾疏嬾小鼎迎風候煮茶

張寶鶴

字仲謀號雲
汀錢塘人

梧門詩話錢塘張仲謀自號雲汀居士又號堯峯蕭疏
曠達不矜細行酣飲狂吟惟意所適人或訾議之不顧
也受知於明卿堯峯沒納齋主人刻其詩以傳如花能入
夢成香國醉可名鄉續酒經青錢落杖容沽酒紅袖歸
家學跨驢不啻白爲寫照古體詩亦奇崛絕句尤有法
江上云江上起愁心愁風更愁水安得與莫愁裁手搖
解子舟中云征蓬此夕下清淮歸夢迢迢去鷗能夜半
月明驚夢破槽聲疑是雁飛來前二語絕不用意歸重
一結法
出唐人

送施茗柯之四川榮經任

施侯文章伯出宰山水縣叱馭自古然誰能量近遠春風動
高旌旭日開芳甸悠悠計征塗歷歷想行店赤甲天下雄錦
江直於線飄飄何樵義草木鬱葱蒨荷劍閑羅峻屏縈紆拂雲

棧萬景摹不盡收拾富詩卷知公理大邑小鮮等烹膳揮絃
歌嘯餘坐令民物變時清無螭虔況乃成政善宴寢清香凝
書畫燹天焰巴陵洞庭東咫尺萬里見奕奕蟠銀鈎龍蛇縮
幾獻文章藝且兼吏才多益辦筆補天無功仁風手潛扇由
來騰騁駿百里不足絆奏最書上上超擢得轉盼與公鄉井
同獨乏杯水儻作詩以贈行雕蟲愧黃絹

張

淇

字漪園號竹坡又號石農
錢唐人著吟蟲集四卷

朱文藻陰蟲集序畧曰竹坡先生書名重于時罕有知
先生能詞者生平遊跡所到題咏殆答皆不置稿如白
秋海棠云莫向秋風苦羞避主人原不愛臘脂深松云
江海蕭蕭風雨夜倚窗只聽老龍吟米山云欲借頑雲
封谷口不教車馬到閉門皆託意深遠耐
人咀味而與世柄鑿之概亦然寓其中

春日山居襟興

山桃花發柳初眠卻喜棲遲遠市廛幾處草長圓粉蝶一天

雲淨度風鳶籬門半掩仍通客野水分流竟入田此地風光無限好莫嗤雨令老林泉

吳懋蕃

字衍瑞一字椒邨東陽監生著牛齋稿南遊北遊未定稿

次徐孝廉

時泉

韻奉答

片雲送客太行西縹緲山光入望低馬踏江南新月色衣沾冀北舊春泥只知好雨滋萱茂不道酸風撼樹淒千載與君同此恨當筵忍聽乳鴉啼

傅調梅

字郁文號補堂會稽歲貢生著繡墨軒集

越風繡墨詩上于七律宛然溫李佳錄數篇嘗共一齋可知全鼎

春日郊遊

人家漸喜隔塵囂郊外春山望不遙寒日村莊喧社鼓夕陽樓閣倚陽簾柳陰含北新漁父花信江南舊板橋雙槳湖邊

曾有約波平還擬放蘭橈

章汝桐

字翠川會稽諸生著翠樓詩鈔

春日寄懷

吳山楚水兩縈紆雲樹蒼蒼落日孤
我有相思似春色東風吹滿綠蘼湖

王

模

字魯望蕭山人著蠡餘小草

紫英口曾望與韓棟同時交好工詩文幼年失怙弱冠卽幕遊梁豫藉以養母作詩有法如許長道中云金九

攜口將紅袖翠黛參雲半綠楊果花云粉靨疑珠經雨

沈水魂夢月隔商幽片石單山雖未覩其全亦不失爲

吟咏之士以子紹蘭

成進士贈文林郎

滁州道中

一入滁州道羣峯面面環五更盤磨嶺匹馬度關山柳驛神

花古龍橋鐵鎖閒醉翁亭畔月偏自照愁顏

方志維

字蜀鳳
金華人

棲真敎院飛來峯歌

君不見武林靈鷲峯，插天神工鬼斧窮雕鐫。風雷一夕動千
佛，俯爾東走金天仙。奇岩怪石紛叅錯，寸碧飛來山一角。竅
呀擁腫拳曲枝，稜穿瑣碎續紛萼。節逢天貺遊人多，雜然丈
拜巖之阿。天花旋空碧雨墮，疎紺葉樹翻藤蘿。蒼蒼薜紫石
瑪瑙，海上三峯此更好。願得精感兮娥誠，樹向家園用娛老。

郭象泰

字景然，一字岱峯，
金華人，著閒吟集。

樓上層曰岱峯，九歲失恃，哀毀骨立。
終此遂得心病，所著閒吟集已佚。

有懷嘉禾朱笠亭先生

吳

雲黯花飛，悵昔遊巖城。春老碧烟流，錄詩已數千年事。

先生
在邵

民金華詩錄於小傳
今訂正傳聞之謬

宰縣翻驚百里侯。

先生去夢爲阜
平宰卒於任

院靜

竹風嗟舊雨窗籠梧月認新秋心香一瓣拋寧得鹿洞薪傳
倘我輩

陳文烈

東陽人

蠶婦行

去年蠶少剛采桑今年蠶多先采柘社日浴得溪頭種怕雨
怕風怕寒夜細葉乍吐難忍筐未成老綠猶嫩黃宿火篝燈
夜起視何日萬樹陰垂牆勿勿暮春隣首夏頭髮蓬鬆走奔
馬腹枵腹得隣米來我是賣却新絲者腳踏繰車手著盆競
道如雪抽綫綸官租要償簪未畢典衣付與差來人翁姑椎
心兒女泣圖製新衣仍不得悲哉賤妾年復年慣是蠶家無
尺帛

曾儒璋

字玉西號瓊圃永嘉貢生信
興泉永道著依綠園詩草

兩所曾千条

笑三三五

方志社郭象泰陳炎曾儒璋

民

送曹印浦再任應山川

愛君昔日惠嘉師竹馬兒童信有之行部隨春花競發放衙
無事吏先知風清衙序開新席雨潤桑陰長舊枝最喜輕車
逢故道不須重賦論民詩

湯筠棠

字韓齊號諫堂仁和人乾隆癸
未進士官吉南領寧兵備通

湯禮祥曰吾家先世官江右者率以循吏見稱從祖其
一也平生長於聽訟案無留牘舞文吏皆惡縮奉行無
敢亂法僕除豪猾尤見
力江右至今頌之

促織吟

促織鳴聲淒切嬾婦不驚勤婦泣木棉價比海絲高機杼長
拋布斷絕布斷絕砧杵歇殘燈孤館聲聲急路上行人聽不
得

月夜江上聞笛

渺渺寒烟外長江萬里流美人隔天末落月照孤舟雁叫蒼梧野猿吟白帝秋不須聞玉笛離思滿滄洲

俞廷樾

字有堂餘杭監生元任條

宋文藻曰廷樾敦孝友力肩仰事俯育俾兄若弟壹意上進屢仕中外無內顧以弟廷樾官封渭南知縣

雨

孤館竟滂沱連宵意若何那堪愁緒滿更難漏聲多寒重燈無色溪鳴水有波羈人渾不寐雁陣幾回過

東關文昌閣

奎樓高與塔山齊湖鏡涵南柱列西結聚禹航形勝好文淵
縈繞出蒼溪

沈可培

字養原號向齋嘉興人乾隆壬辰進士官安肅知縣著依竹山房詩集

湯禮祥曰先生入歲入家塾能以陰陽不雜解乾坤二卦初宰上高其地有界埠險峻難行遇風雨有顛路至

兩折前耳錄

卷三十五

湯禮祥俞廷樾沈可培

吳

死者先生捐俸刻平之人呼
爲沈公嶺其他善政多類此

銅爵臺

山邱華屋總塵埃千古銷魂鄴下臺
帳外餘香寒欲盡簾前清吹暮生哀
西陵夜月飛烏鵲玉座春風繡綠苔
妙妓含情空賣履何勞遶鎖二喬來

金谷園

絕世繁華一夢過酸腸猶唱悵儂歌
且聽玉笛三更咽未覺駸珠十斛多
日煖池塘輝錦障夜寒門巷湧青螺
春花不管齊奴恨猶向新源笑逝波

朱維誌

字康侯號慢亭桐鄉諸生

朱爲弼曰慢亭先生伯學有根柢作文援筆千言立就諒亦清麗克承家學惜鄉閭風薦不售年未四十而卒方廷珪曰慢亭先生三齋屬先君繪月波吹笛圖自題一絕於上以要和者亦二句云搖入藕花最深處翩然飛

起兩間鷗鷺閒澹蕩
之致可想見一斑矣

過陳應雷讀書天寧寺

故人多愛靜寺裡著書牀月上聞仙梵風來佛佛香開軒延
舊雨卷幔話新涼咫尺鴛鴦渡緣流意不忘

偕同人遊南山汪氏園

捫蘿盤磴上曲逕入南屏泉瀉雲中白峯攢雨後青鐘聲流
暗壑琴韻起寥汀淅水崖碑在摩挲等石經

送金佩和還江寧

溪橋分手悵前期咫尺林泉繞夢思別後懷君定何處月波
吹笛夜涼時

兩浙輶軒錄卷三十五

兩浙輶軒錄卷三十五

朱維翰